

इवनिंग डोगरी न्यूज़ बुलेटिन

समे .18:15 Hrs

एह आकाशवाणी जम्मू ऐ, संजा खबरें च तुंदा सुआगत, पैहलें खास-खास खबरें कन्ने में अभिलाषा शर्मा।

<><><><><><>

Headlines

- प्रधानमंत्री नरेन्द्र मोदी होरें आखेआ ऐ जे आर्टिफीशियल इंटेलीजेंस नां छड़ी महिलाएं लेई बड़ी मददगार ऐ सगुआं एह नमें मौके पैदा करने च बी मदद देआ करदी ऐ।
- केन्द्री गृह सचिव गोविंद मोहन होर जम्मू-कश्मीर च बने दे सुरक्षा हालात दा जायजा लैने लेई अज्ज जम्मू च उच्ची-सतह दी जायजा बैठक दी प्रधानता करै करदे न।
- संसद दे बजट इजलास दा दुआ चरण कल्लै थमां शुरु होआ'रदा ऐ।
- खेलो इंडिया विंटर गेम्स 2025 दे दुए चरण दा अज्ज संझां औपचारिक तौर पर उद्घाटन कीता जा'रदा ऐ।
- दुबई च खेड्ढे जा'रदे आईसीसी चैंपियन्स ट्रॉफी क्रिकेट टूर्नामेंट दे फाईनल च न्यूजीलैंड नै पैहले बल्लेबाजी करदे होई भारत गी जित लेई 252 द्रौड़ें दा लक्ष्य दिता ऐ।

<><><><><><>

प्रधानमंत्री नरेंद्र मोदी होरें महिलाएं गी सशक्त बनाने च आर्टिफिशल इंटेलीजेंस दी भूमिका पर महिला ते बाल विकास राज्यमंत्री सावित्री ठाकुर हुंदे आसेआ लिखे दा इक लेख सांझा कीता। सोशल मीडिया पर इक पोस्ट च प्रधानमंत्री होरें आखेआ जे आर्टिफिशल इंटेलीजेंस महिलाएं लेई लाहकारी होने दे कन्नोकन्नी उन्दे लेई नमें मौके पैदा करने च बी मदाद दिंदा ऐ। तोआई, सावित्री ठाकुर होरें आखेआ जे प्रधानमंत्री नरेंद्र मोदी होर भारत गी 2047 तगर इक विकसित राश्ट्र बनाने दी दिशा च कम्म करा'रदे न जेदे च महिलाएं दी बरोबर हिस्सेदारी दी मती जरूरत ऐ। उनें आखेआ जे ए.आई ना शड़ा महिलाएं लेई नमें मौके पैदा करी सकदा ऐ, सगुआं उनेंगी समाज च निर्णायक भूमिका नभाने च बी सक्षम बनाई सकदा ऐ।

<><><><><><>

Security Meeting

केन्द्री गृह सचिव गोविंद मोहन होर जम्मू-कश्मीर केन्द्र शासित प्रदेश च बने दे सुरक्षा हालात दा जायजा लैने लेई अज्ज जम्मू च उच्ची-सतह दी जायजा बैठक दी प्रधानता करे करदे न। द'ऊं सत्रें च लोआई जा करदी इस बैठका च पुलस ते सुरक्षा बलें सने नीम फौजी बलें ते खूफिया एजेंसिएं दे आला अधिकारी बी हिस्सा लैs करदे न। केन्द्री गृह सचिव दा औहद्धा सांभने परैन्त गोविंद मोहन हुंदे आसेआ जम्मू खिते दा पैहला सुरक्षा जायजा होग। एहदे शा पैहले हालात दा जायजा लैने लेई ओह कश्मीर बी गेदे हे। अज्ज लोआई जा करदी बैठक कोला पैहले बीएसएफ दे ड़ैक्टर जनरल दलजीत सिंह चौधरी कल जम्मू पुज्जे ते मगरा उ' नें पुंछ जिले च कब्ज़ा रेखा दा दौरा लाया। इस दरान उ'नेंगी बीएसएफ दे सीनियर अधिकारिएं बल दिएं कारवाईएं मतल्लक तैयारिएं बारै जानकारी दिती।

<><><><><><>

Kathua Mission Civilians

कठुआ जिले दे कल्हार इलाके थमां त्रै दिन पैहले इक ब्याह आहले समरोह दरान लापता होए दे इक नाबालिग ते ओहदे द'ऊं रिश्तेदारें दे शव बरामद करी लैते गे न। स्हाड़े संवाददाता दी रिपोर्ट मूजब, पुलस अधिकारिएं दस्सेआ ऐ जे जे जम्मू-कश्मीर पुलस ते फौज आसेआ सांझे तौर उप्पर चलाए गेदे तलाशी अभियान दरान ड्रोन दी मदाद कन्नै मल्हार इलाके दे इशु नाले च इ'नें त्रौनें दे शवें दा पता लाया गेआ। केन्द्री मंत्री ाक्टर जीतेन्द्र सिंह, जेहड़े उधमपुर संसदीय हलके दी नुमादंगी बी करदे न, होरें आखेआ ऐ जे इ'नें सब्भनें दी मौत, बड़ी चेंता आहली गल्ल ऐ। सोशल मीडिया पर कीती गेदी इक पोस्ट च ाक्टर सिंह होरें आखेआ ऐ जे ई'आं बझोंदा ऐ जे इस शांतिपूर्ण इलाके दे म्हौल गी बिगड़ाने दी साजिश दे तैहत एह हतेआं कीतीआं गेइयां न। तोआई उपमुख्यमंत्री सुरिंदर चौधरी होरें बी इस घटना दी सख्त निंदेआ कीती ऐ। कांग्रेस पार्टी नै खिते च सुरक्षा दी भावना ब्हाल करने ते लोकें दे ार गी दूर करने लेई इस मामले दी उच्च-स्तरी जांच करोआने दी मंग कीती ऐ।

<><><><><><>

NDRF

राष्ट्री आपदा प्रतिक्रिया बल - एनडीआरएफ नै कलाई इलाके च जंदी 25 फरवरी गी होए दे मंदे भागें आहले हादसे दे बाद थमां लापता होए दे द'ऊं जनें दा पता लाने लेई अपनिएं टीमें गी पुंछ च तैनात कीता ऐ। एनडीआरएफ दी 13 बटालियन दे िप्टी कमांण्ट उत्तम सिंह हुंदी अगुवाई च हून इस अभियान च होर तेजी आहन्नी गेई ऐ। इक गड़्ी दे हादसे दा शिकार होई जाने दे बाद थमां गे द'ऊं जनें लापता होई गे हे ते तमाम कोशशें दे बाद बी उंदे बारै कोई सुराग हत्थ नेई लग्गा। लोड़चदे उपकरणें ते म्हारथ कन्नै लैस एनडीआरएफ दी टीम आसेआ कलाई आहले दुमर्ग

इलाके च बड़े बवस्थित ढंगै नै तलाश कीती जा करदी ऐ तांजे लापता होए दे लोकें दा पता लाया जाई सकै।

<><><><><><>

Search-Operation

पुंछ जिले दे जरांवाली सैक्टर हेठ औने आहले छम्बरेर इलाके च थेआरबंद लोकें दी संदिग्ध नक्लोहरकत दा पता लग्गने परैन्त सुरक्षाबलें आसेआ अज्ज इलाके च बड़ पैमाने उप्पर तपाशी अभियान चलाया गेआ। पुलसा दे वरिष्ठ अधिकारिएं दससेआ जे खिते च सुरक्षा बवस्था निग्गर करने लेई बाद्दू बलें गी तैनात करी दिता गेआ ऐ। पुलस सूतरे इब्बी दस्सेआ ऐ जे पुलसा दे वरिष्ठ अधिकारी मौके पर मजूद न ते ओह लगातार इस तपाशी अभियान दी निगरानी करै करदे न।

<><><><><><>

Martyrs' Familier Felicitated

शहीद कैप्टन तुषार महाजन मेमोरियल ट्रस्ट आसेआ अज्ज शेरे कश्मीर पुलस अकैमी आटोरियम उधमपुर च अज्ज शहीद पुलस अफसरें दे परोआर दे सदस्यें गी सम्मानित कीता गेआ। इस कार्यक्रम दा आयोजन, शौर्य चक्र कन्ने सम्मानित कैप्टन तुषार महाजन हुंदे 9में शहीदी ध्याड़े पर कीता गेआ। कैप्टन तुषार महाजन होरें बरे 2016 च दक्खनी कश्मीर दे पाम्पोर सैक्टर च आतंकवादिएं दा मुकाबला करदे होई देसै लेई सर्वोच्च बलिदान दिता हा। अजज लोआए गेदे कार्यक्रम च शेरे कश्मीर पुलस अकैमी उधमपुर दे रैक्टर गरीब दास, उधमपुर-रियासी रेंज दे पीआईजी रईस मोहम्मद भट्ट ते उधमपुर दे एसएसपी अमोद अशोक नागपुरे हुंदे सने खरी मती गिनतरी च पुलसा दे अधिकारिएं, मन्ने-परमन्ने दे शैहदारें ते विद्यार्थिएं बी हिस्सा लैता। इस

मौके पर अपने विचार सांझे करदे होई शहीद कैप्टन तुषार महाजन हुंदे पिता देव राज गुप्ता होरें आखेआ

<><><><><><>

Budget Session

संसद दे बजट सत्र दा दूआ गेड़ कल कोला शुरू होआ'रदा ऐ ते एह 4 अप्रैल तोड़ी चलग। इस दरान सदन दी 20 बैठकां होंगन ते 2024-25 ब'रे लेई अनुदान दी मंत्री ते विनियोग विधेयक पर बी चर्चा ते मतदान होग। एहदे अलावा बैंकिंग कनून (संशोधन) विधेयक, तटीय नौवहन विधेयक-2024, त्रिमुवन सहकारी विश्वविद्यालय विधेयक, आव्रजन ते विदेशी विधेयक 2025 ते रेलवे(संशोधन) विधेयक दे कन्नो कन्नी विधायी कार्य पर बी चर्चा होग ते इनेंगी पारित बी कीता जाग।

<><><><><><>

Winter Games

खेलो इंडिया विंटर गेम्स 2025 दे दुए चरण दी शुरूआत अज्ज गुलमर्ग च होई गेई ऐ। अज्ज पैहले ध्याड़े Alpine Skiing, Nordic Skiing, Ski Mountaneering ते Snow Boarding स्यालू खेड्डें च प्रतियोगिता करोआइयां जा'रदियां न। एह खेड्डां इस म्हीने दी 12 तरीक तगर जारी रौहडन। इनें खेड्डें दा पैहला चरण लेह च जनवरी म्हीने खेड्डेआ गेआ हा। उआं इनें खेड्डें दा औपचारिक उद्घाटनी समारोह अज्ज संझा होग जेदे च कई लाइट शो, मशाल शो ते होरनी गतिविधियें दा सरिस्ता कीता जागं इनें खेड्डें च 800 एथलीट हिस्सा लै करदे न। उपराज्यपाल मनोज सिन्हा उद्घाटनी समारोह च शिरकत करडन।

<><><><><><>

CSIR - IIIM

सी.एस.आई.आर. ट्रिपल आईएम जम्मू आसेआ अज्ज अपने मुख कैंपस च फुल्लें सरबंधी सलाना-शो ते करसान सम्मेलन 2025 दी कामयाबी कन्नै मेजबानी कीती गई। इस कार्यक्रम दे राहें फुल्लें दी काशत कन्नै जुड़े दे लोकें, करसानें ते माहिरें गी किठे इक्कै मंच उप्पर आहन्नेआ गेआ ऐ तांजे कुदरत, ज्ञान दे आदान-प्रदान ते राई-बाई दे टिकाउ तौर-तरीकें दा जश्न मनाया जाई सके। इस कार्यक्रम दरान बोलदे होई सी.एस.आई.आर. ट्रिपल आईएम जम्मू दे डरैक्टर डाक्टर ज़बीर अहमद होरें अर्थबवस्था गी तगड़ा बनाने ते ग्रामीण आजीविका च सुधार लेई फुल्लें दी काशत सरबंधी खेतर दे महत्वें उप्पर लोऽ पाई। डाक्टर ज़बीर होरें इदारे आसेआ शोध ते विकास सरबंधी कम्में सने राई-बाई दे टिकाउ तौर-तरीकें ते बक्ख-बक्ख कार्यक्रमें दे राहें करसानें गी मदाद देने सरबंधी ढंगै-सरिस्तें बारै चर्चा चर्चा कीती।

<><><><><><>

Awareness Prog. Kishtwar

किश्तवाड़ जिले च जम्मू-कश्मीर पुलस आसेआ नमें अपराधिक कन्नूनें बारै इक जागरूकता कार्यक्रम दा सरिस्ता कीता गेआ। इस कार्यक्रम दा आयोजन सरकारी हायर सेकेंडरी स्कूल छात्र च कीता गेआ तां जे कुड़ियें गी ते महिलाएं गी हाल च गे बने दे कन्नूनी प्रावधानें बारै शिक्षित कीता जाई सके। इस सत्र दी अगुवाई एसएचओ इंस्पेक्टर विक्रम सिंह होरें कीती जेदे च उनें प्रतिभागियें गी भारतीय न्याय संहिता, भारतीय नागरिक सुरक्षा संहिता ते भारतीय साक्ष्य अधिनियम 2023 बारै जानकारी दिती। इस सत्र च मुख करी ध्यान महिला सुरक्षा कन्नूनें, ई-एफ.आई.आर, जीरो एफ.आई.आर ते महिलाएं खलाफ अपराधें लेई फास्ट ट्रैक तंत्र पर दिता गेआ। इस कार्यक्रम दा मकसद नौजवान कुड़ियें गी कन्नूनी ज्ञान कन्नै सशक्त बनाना ते नमें कन्नूनें तैहत उन्दे अधिकारें बारै उनेंगी जानकार बनाना हा।

<><><><><><>

JPDCL Summer Meet

जम्मू च बिजली दी बंड सरबन्धी कारपोरेशन - जेपीडीसीएल दे मैनेजिंग डरेक्टर यासीन एम. चौधरी होरें औंदी सोए दी रूतै दरान बिजली दी निविघ्न सप्लाई जकीनी बनाने लेई मती सरगर्मी कन्नै हीले करने दी जरूरतै उप्पर जोर पाया ऐ। इस सरबन्धै च लाई गेदी बैठका दरान उधमपुर, रियासी, कठुआ, सांबा ते जम्मू आहले रिसीविंग स्टेशनं दा फौरी तौर उप्पर विका करने दा फैसला लैता गेआ। यासीन चौधरी होरें सब्भनं सरबन्धत अधिकारिं गी निर्देश दिता जे ओह लोके दे बिजली सरबन्धी मसले हल करने लेई हर रोज 24 घंटे उपलब्ध रहन। कारपोरेशन आसेआ ढांचागत सुविधाएं दा दर्जा बधाने, रख-रखाव आहले कम्मं गी तोढ़ चाढ़ने ते बिजली दी बचत लेई जागरूकता अभियान चलाने बक्खी टकोहदे तौर पर ध्यान केन्द्रित कीता जा करदा ऐ तांजे औंदी गर्मिं दी रूतै दरान लोके गी निविघ्न ढंगै नै बिजली दी सप्लाई जकीनी बनाई जाई सकै।

<><><><><><>

Cricket

आईसीसी चैंपियंस ट्रॉफी क्रिकेट टूर्नामेंट दे फाइनल च अज्ज दुबई च भारत दा मुकाबला न्यूजीलैंड कन्नै होआ करदा ऐ। न्यूजीलैंड नै टॉस जित्तियै पैहले बल्लेबाजी दा फैसला लैता ते तय 50एं ओवरें च 7 विकेटें दे नुकसान उप्पर 251 द्रौड़ा बनाइयां। न्यूजीलैंड दी तरफा डेरेल मिचेल नै सब्भनं शा मते 63 रन्ज बनाए जदके भारत दी तरफा वरुण चक्रवर्ती ते कुलदीप यादव नै 2-2 विकेटां लैतियां। भारत गी हून जित्त लेई तय 50एं ओवरें च 252 द्रौड़ा बनानियां होडन।

<><><><><><>

Weather

मौसम विभाग नै कल्लै थमां जम्मू-कश्मीर च बक्ख-बक्ख थाहरें पर गर्ज चमक कन्नै बरखा ते बर्फबारी दी पेशगोई कीती ऐ। आकाशवाणी दे जम्मू संवाददाता नै जानकारी दिती ऐ जे मौसम विभाग नै जम्मू-कश्मीर च अगले 4 दिनें दौरान बरखा बरने दी भविक्खवाणी कीती दी ऐ। मैहकमे दार आखना ऐ जे कल्लै थमां लेइयै 14 मार्च तगर जम्मू च बरखा ते घाटी च बर्फबारी दा अनुमान ऐ।

<><><><><><><>